

12 NOV 2001

PRESIDEN EQUATORIAL GUINEA LAWAT MALAYSIA

KUALA LUMPUR, 12 Nov (Bernama) -- Presiden Obiang Nguema Mbasogo dari Equatorial Guinea akan melakukan lawatan dua hari ke Malaysia mulai Khamis ini, demikian menurut Wisma Putra.

Presiden Mbasogo akan diiringi isteri dan 30 anggota delegasi membabitkan empat menteri kanan, pegawai kanan dan wakil media.

Lawatan pertama kali presiden republik itu ke Malaysia, bertujuan meningkatkan hubungan dua hala antara kedua-dua negara, kata kenyataan Wisma Putra di sini hari ini.

Mbasogo dijadual mengadap Timbalan Yang di-Pertuan Agong Sultan Mizan Zainal Abidin serta mengetuai mesyuarat delegasi dengan Malaysia.

Perbincangan beliau dengan Perdana Menteri Datuk Seri Dr Mahathir Mohamad akan memberi tumpuan kepada isu kerjasama dua hala, serantau dan antarabangsa.

-- BERNAMA

MAM MAM RYN LAT